



REPUBLIKA E SHQIPËRISË

ANALIZA VJETORE PËR VITIN 2022



GJYKATA E RRETHIT GJYQËSOR
DURRËS

- DURRËS 2023 -

2022



REPUBLIKA E SHQIPËRISË
GJYKATA E RRETHIT GJYQËSOR Durrës

**ANALIZA E PUNËS SË GJYKATËS SË RRETHIT GJYQËSOR Durrës GJATË
VITIT 2022**

Durrës 2023



REPUBLIKA E SHQIPËRISË
GJYKATA E RRETHIT GJYQËSOR DURRËS

Nr. _____ Prot.

Durrës, më _____.____.2023

**ANALIZA E PUNËS SË GJYKATËS SË RRETHIT GJYQËSOR DURRËS GJATË
VITIT 2022**

HYRJE

Në këtë analizë vjetore të punës, në mënyrë të përmbledhur do të tregohet puna e kryer nga Gjykata e Rrethit Gjyqësor Durrës gjatë vitit kalendariq 2022, përsa i takon funksionimit të institucionit në tërësi.

Eshtë menduar të trajtohen treguesit që lidhen me performancën në menaxhim dhe në vendimmarrje, sfidat dhe problematikat e hasura gjatë veprimtarisë administrative -gjyqësore të vitit 2022 dhe njekohesisht perballja e nje ngarkese te madhe te punës gjatë këtij viti per përmbushjen e misionit të gjykatës sone dhe në arritjen e qëllimit për ofrimin e një shërbimi sa më të drejtë, efektiv dhe të shpejtë.

Ashtu si i gjithë sistemi gjyqësor me problematikat e tij, ngarkesen e e madhe te punes si pasoje e ecurise se reformes ne drejtesi dhe gjykata jone është përballur gjate vitit 2022 me një ngarkesë të madhe ne punë si shkak kryesor i reduktimit te ndjeshem te numrit te gjyqtarëve efektivë .

Gjykata e Rrethit Gjyqësor Durrës, në fillim të vitit 2022, në strukturën e saj organike ka pasur të miratuar gjithsej 57 (pesedhjetë e shtatë) punonjës, nga këta 17 (shtatëmbëdhjetë) gjyqtarë dhe 40 (dyzet) punonjës të tjerë.

Për vitin 2022 nga Këshilli i Lartë Gjyqësor, për Gjykatën tonë janë miratuar në organikë 3 (tre) punonjës, konkretisht: 2 (dy) Sekretar Gjyqësor dhe 1 (një) punonjës në pozicion shofer.

Në fillim të vitit 2022 në Gjykatën e Rrethit Gjyqësor Durrës ka pasur efektivë në procese gjyqësore 9 (nëntë) gjyqtare.

Gjatë vitit 2 (dy) gjyqtarë janë shkarkuar nga Komisioni i Pavarur i Kualifikimit, 1 (një) gjyqtare ka qenë deri në muajin shtator me leje lindje.

(një) gjyqtar në muajin qershor është caktuar në skemën e delegimit pranë KLGJ me një afat 1
jeçar .

Në fund të vitit 2022 në Gjykatën e Rrethit Gjyqësor Durrës ka pasur efektive në procese
gjyqësore 7 (shtatë) gjyqtare.

Gjatë vitit 2022 janë punësuar 13 (trembëdhjetë) punonjës dhe janë larguar 11 (njëmbëdhjetë).

Pavarësisht numrit në ulje të gjyqtarëve si dhe të vijimit të bashkimit të dy seksioneve civil e
penal në një të vetëm, Gjykata e Rrethit Gjyqësor Durrës gjatë vitit 2022 është munduar të mbajë
një afat të arsyeshëm kohor në dhënien e drejtësisë sipas detyrimeve procedurale dhe
parashikimeve kushtetuese të nenit 42/2 dhe nenit 68 të Konventës Europiane për të Drejtat e
Njeriut.

Në këtë analizë të punës së Gjykatës së Rrethit Gjyqësor Durrës për vitin 2022 është menduar të
trajtohen edhe aspekte që lidhen me infrastrukturën, teknologjinë dhe shërbimet administrative
të ofruara nga Gjykata e Rrethit Gjyqësor Durrës, elementë këta që gjithashtu vlerësohen të kenë
ndikim në performancën e gjykatës. Në funksion të analizës, treguesit e punës do të trajtohen në
këto drejtime:

Volumi i çështjeve civile dhe penale për gjykim gjatë vitit 2022

Shpejtësia në gjykim.

Marrëdhëniet me institucionet e tjera me të cilat lidhet puna e gjykatës.

I. Infrastruktura

Vlerësojmë se është e rëndësishme të theksohet që në fillim se pavarësisht faktit se Gjykata e
Rrethit Gjyqësor Durrës është gjykata e dytë më e madhe në vend, infrastruktura e kësaj gjykate
është jashtë çdo parametri dhe standardi për ushtrimin e funksionit të dhënies së drejtësisë.

Tashmë është e ditur gjendja dhe kushtet ekzistuese të godinës së gjykatës sone, e cila rezulton
të jetë ndërtuar në vitin 1961 dhe që është përshtatur për të kryer funksionin e Gjykatës.

Gjendja e godinës përveç pamjaftueshmërisë së saj, paraqitet tejet e amortizuar dhe tërësisht e
papërshtatshme për ushtrimin e detyrës si nga ana e gjyqtarëve dhe administratës, për garantimin
e transparencës, trajtimin dinjitoz e solemn të qytetarëve në kërkesat e tyre apo seancat gjyqësore.

Ambientet (veçanërisht ato të katit të parë) kanë lagështirë dhe muret janë të dëmtuara si në
ambientet e jashtme, ashtu edhe në ato të brendshme të gjykatës.

Godina ekzistuese paraqet problematikë edhe për sa i përket pozicionimit, hapësirave dhe
planimetrisë së saj, të cilat bëjnë që kjo Gjykatë të jetë tërësisht e papërshtatshme për ushtrimin
e veprimtarisë së saj.

Gjykata e Rrethit Gjyqësor Durrës ka vetëm 4 salla gjykimi: nga një sallë në katin e parë dhe të dytë dhe dy salla në katin e tretë. Një nga këto salla përdoret ekskluzivisht vetëm për gjykime penale me të pandehur në gjendje arresti, për shkak të mungesës së sigurisë në sallat e tjera, ndërsa tre sallat e tjera përdoren nga të gjithë gjyqtarët sipas planifikimeve të kryera nëpërmjet kalendarit elektronik.

Pavarësisht se përdorimi i sallave të gjyqimit rezulton të jetë maksimal, në shumicën e rasteve nga ora 08:30 – 16:00, është lehtësisht e kuptueshme që numri i sallave të gjyqimit nuk plotëson ngarkesën e çështjeve që gjykohen në Gjykatën e Rrethit Gjyqësor Durrës. Për këtë shkak ende numri më i madh i gjykimeve zhvillohen në zyrat e gjyqtarëve.

Garantimi i sigurisë së gjyqtarëve në godimen e Gjykatës sonë është tejet i ulët, pasi gjykimi në këto salla nuk e garantojnë këtë siguri për arsye të madhësisë, pikëpamjes teknike dhe pozicionimit të tyre. dy nga sallat e gjyqimit nuk kanë as dhomë këshillimi dhe gjyqtarët kur hyjnë dhe dalin në sallë ndodhen në të njëjtin ambient me qytetarët, çka nuk garanton as nivelet minimale të sigurisë të gjyqtarëve. Shkallët janë të përbashkëta, si për gjyqtarët, ashtu edhe për qytetarët.

Njëkohësisht ky mosgaratim sigurie të niveleve minimale është jo vetëm për gjyqtarët por dhe për të gjithë punonjësit e tjerë të administratës gjyqësore.

Parkimi i pasëm i gjykatës ka kapacitet vetëm për 5-6 automjete, çka bën që gjyqtarët dhe administrata të parkojnë në ambiente të jashtme të gjykatës, në të cilat nuk mund të garantohet siguria.

Në lidhje me shërbimin e sigurisë, sipas legjislacionit në fuqi nga Komisariati i Policisë Durrës ofrohet asistencë me një punonjës policie në orarin 08:00 – 15:00, ndërkohë nga ora 15:00 – 08:00 të ditës pasardhëse shërbimi i sigurisë ofrohet nga një punonjës i shoqërisë private “Illrian Guard” Sh.A, të cilët kanë trajnimin e duhur profesional për të garantuar sigurinë specifike të gjykatës. Për përcaktimin e rregullave, detyrimeve reciproke dhe përgjegjësi, është nënshkruar një Rregullore e Përbashkët e Sigurisë ndërmjet titullarëve të Gjykatës dhe Shoqërisë Private.

Sa i takon shërbimeve të ofruara qytetarëve nga ana jonë janë është përshtatur një sportel ku ofrohen shërbimet e kryesekretarisë dhe shërbimet e tjera si: tërheqja e vërtetimeve, kopjeve të akteve apo vendimeve gjyqësore, etj. Ndërsa shërbimet e financës kryhen brenda gjykatës për shkak të pamundësisë fizike të ambienteve ku të përshtaten sportele për orfimin e shërbimeve.

Kushtet e godinës ndikojnë dhe në ofrimin cilësor të shërbimeve të kërkuara nga qytetarët, pavarësisht synimit dhe vullnetit të administratës gjyqësore.

Investimi për ndërtimin e një godine të re, e cila të garantojë jo vetëm sigurinë për gjyqtarët dhe administratën, por të garantojë dhënien e drejtësisë sipas standardeve europiane është mese i domosdoshëm.

Krijimi i Hartës Gjyqësore, sipas së cilës Gjykata e Rrethit Gjyqësor Durrës do të përfshijë dhe Gjykatën e Rrethit Gjyqësor Kavajë e shton dhe më shumë mungesën e kushteve të godinës ekzistuese e pamjaftueshmërinë e ambjenteve.

II. Sistemi i menaxhimit të çështjeve gjyqësore dhe regjistrimi AUDIO i seancave gjyqësore

Gjykata e Rrethit Gjyqësor Durrës, që nga viti 2007 e në vijim ka organizuar punën e saj duke u bazuar në sistemin e integruar të menaxhimit të çështjeve civile e penale CCMIS/ICMIS.

Pavarësisht problematikave të evidentuara në mënyrë të vazhdueshme të këtij sistemi dhe zgjidhjeve të ofruara në vijimësi, vlen të theksohet se gjykatat nuk kanë një dokument të aprovuar të politikave të brendshme, i cili rregullon përdorimin e pajisjeve e sistemeve digjitale, zëvendësimin e tyre, apo që adreson çështje të digjitalizimit. Disa gjykata kanë disa rregullore të brendshme të përdorimit të pajisjeve digjitale. Megjithatë, këto rregullore nuk janë prezente në të gjitha gjykatat e si pasojë nuk janë të unifikuara e standardizuara në nivel kombëtar.

Nga ana e Gjykatës së Rrethit Gjyqësor Durrës është kryer një punë e mirë për informimin dhe sensibilizimin e avokatëve, palëve ndërgjyqëse dhe qytetarëve për marrjen e informacionit mbi shortin dhe planifikimet e seancave gjyqësore nëpërmjet faqes elektronike zyrtare.

Faqja zyrtare elektronike e gjykatës kryen në mënyrë automatike të gjithë procesin e paraqitjes së të dhënave në portalin gjykata.gov.al. Në portalin e gjykatave në hapësirën e dedikuar Gjykata e Rrethit Gjyqësor Durrës shfaqet në mënyrë automatike lista e përditësuar e çështjeve gjyqësore, lista e shortit, kalendari i seancave si dhe cdo informacion tjetër që përbën interes publik.

Në kuadër të përmirësimit të shërbimit në bashkëpunim me KLGJ është implementuar projekti FEA, i cili është një shërbim elektronik që u vjen në ndihmë qytetarëve që të dërgojnë një aplikim për t'u pajisur me kopje të dokumenteve gjyqësore të tilla si, kopje vendimi viti aktual, kopje vendimi (arkiva), kopje të dosjeve gjyqësore, vërtetim për çështje në proces gjykimi (indivind), vërtetim për çështje në proces gjykimi (shoqëri tregtare), vërtetim për ndjekje penale. Formulari i aplikimit, është shtuar tashmë si rubrikë e re, në profilin e çdo gjykate, në portalin www.gjykata.gov.al.

Sa i takon balancimit të ngarkesës së gjyqtarëve përgjithësisht sistemi arrin të krijojë barazi lidhur me numrin total të çështjeve të gjykuara.

Gjykata e Rrethit Gjyqësor Durrës, në sajë të projektit JUST ka implementuar dhe sistemin dixhital audio RDA në 4 sallat e gjykimit të gjykatës që në shtator 2012 dhe vazhdon të jetë efektiv dhe tërësisht funksional.

Ndërkohë, regjistrimi i seancave gjyqësore Audio është kthyer tashmë në një shprehje të zakonshme të gjyqtarëve dhe pjesëmarrësve të tjerë në gjykim, duke pasur vlera të rëndësishme sa i takon rritjes së transparencës dhe solemnitetit të gjykimit.

Të gjitha sallat e gjykimit gjatë vitit 2022 me qëllim përmirësimin e punës së sekretarisë janë pajisur me mjetet teknologjike më të fundit, duke respektuar parimin e barazisë së qasjes në të njëjtën teknologji si dhe duke siguruar efikasitet në proceset e punës së sekretarisë gjyqësore.

Sigurinë e të dhënave lidhur me çështjet e regjistruara në sistemin RDA, në serverin e gjykatës, falë USAID e mundëson software i instaluar GFI Backup Software. Ky Software shërben për të bërë backup Incremental regjistrimet Audio nga serveri lokal drejt Serverit qendror tek AKSHI, Tiranë. Për të punuar në mënyrë të rregullt sistemi monitorohet dhe për mirëmbahet nga stafi IT.

Lidhur me shërbimin e internetit, i cili ofrohet nga KLGJ sipas Kontratës me objekt "Shërbim interneti dhe intraneti i qëndërzuar për KLGJ dhe gjykatat". Shpejtësia Upload / Download në Gjykatën tonë është 100 Mbps / 100 Mbps duke bërë të mundur kështu që të mos ketë vonesa dhe pengesa në punë dhe transferimi i të dhënave në serverin e qendror të AKSHI- të jetë sa më i shpejtë dhe i sigurtë. Po ashtu dhe replikimi i të dhënave të sistemit ICMIS në drejtim serverit të KLGJ-së është më i shpejtë.

Sa i përket sigurisë së të dhënave të sistemit ICMIS dhe dokumentave të ndryshme elektronike të Gjykatës së Rrethit Gjyqësor Durrës, nga ana e IT përveç se kryhet rregullisht çdo ditë backup i këtyre të dhënave, përdoret gjithashtu dhe teknologjia "Cloud Storage and File Backup Online". Kjo hapësirë administrohet nga IT e gjykatës.

Organika e Gjykatës ka 2 (dy) pozicione specialist IT. Në fillim të vitit 2022, efektive ka pasur në organikë vetëm një specialist IT, i cili ishte i pakonfirmuar me status, por në mujin janar ka dhënë dorëheqje.

Ka qenë një periudhë e vështirë pothuaj tremujore mbi të cilën është përballur gjykata si pasojë e mungesë të specialistëve të IT-së, por që u kalua si rezultat i suportit të dhënë nga ana e Drejtorisë së IT dhe Manaxhimit të Çështjeve të KLGJ-së.

Ndërkohë gjatë vitit 2022, Këshilli i Gjykatës së Rrethit Gjyqësor Durrës ka rekrutuar 2 (dy) specialistë IT-së, por në muajin shtator 2022 njëri specialist IT dha dorëheqjen. Gjatë kësaj periudhe përballja e ngarkesës në gjykatë është bërë vetëm nga një specialist IT, cili pavarësisht i ri në detyrë e ka përballuar mirë ngarkesën e punës.

III. Kryesekretaria dhe sekretarët gjyqësorë

Jo vetëm trupa gjyqësore e gjykatës sonë, por dhe administra gjyqësore gjatë vitit 2022 është përballur me një ngarkesë pune shumë të konsiderueshme e cila sa vjen dhe është në rritje e sipër dhe reflekton edhe në veprimtarinë e përdishme të administratës gjyqësore.

Gjatë vitit 2022 kemi pasur shumë rekrutime të reja për pozicionin e "sekretares gjyqësore", gjë e cila ka rritur ngarkesën e punës së nëpunësve të vjetra dhe me përvojë në gjykatë, pasi ato jo vetëm që kanë përballuar ngarkesën kryesore të gjykatës por dhe kanë asistuar njëkohësisht në

dhënien e përvojës së tyre për punonjëset e reja. Dëshira për realizimin e detyrave funksionale të punonjësve të reja ka qenë e lartë, pavarësisht se ende të rinj për të përballuar këtë ngarkesë kaq të madhe pune në gjykatë.

Kryesekretaria e gjykatës është sektori më i ngarkuar me punë administrative dhe ka përgjegjësinë kryesore për shërbimet ndaj publikut.

Këshilli i Gjykatës për vitin 2022 ka vendosur që të punojnë pranë kryesekretarisë dhe 3 (tre) sekretare gjyqësore të tjerë në ndihmë të kësaj zyre.

Në muajin shtator 2022, ish-kryesekretarja e gjykatës ka dhënë dorëheqjen. Këshilli i Gjykatës për një vazhdimësi të punës në gjykatë dhe duke pasur në vëmendje rëndësinë e madhe që ka kjo zyrë, vijoi me komandimin e një sekretare me përvojë në punë duke e komanduar si kryesekretare deri në momentin e rekrutimit sipas legjislacionit në fuqi të Kryesekretares.

Ndërkohë, në kuadër të një riorganizimi të punës, Këshilli i Gjykatës i ka vendosur duke i caktuar çdo gjyqtari 2 (dy) sekretare gjyqësore, duke ia lënë vetë gjyqtarit organizimin e brendshëm të punës së tij.

Me qëllimin e dhënies së një shërbimi të shpejtë dhe cilësor nga ana e Gjykatës përgjate vitit 2022 shërbimit në sportel është mbuluar nga dy nëpunës gjyqësor dhe ka vijuar i plotë gjatë orarit zyrtar nga ora 08:00 – 16:00.

Dhe në këtë zyrë nga ana e Këshillit të Gjykatës është menduar të vendosen në sportel njerëz të kualifikuar e me përvojë pune, me qëllimin e rritjes në mënyrë të vazhdueshme të efikasitetit dhe duke pasur si primare në punën e tyre etikën në komunikimin me qytetarët.

Përsa i përket burimet njerëzore, duke ju referuar Strukturës Organike e cila dërgohet periodikisht në Klgj, në fund të vitit 2022 ajo pothuajse ka qenë e plotësuar me numrin e përgjithshëm të nënpunësve civil.

Në referim të Vendimit nr. 622 datë 10.12.2022 “ *Për lëvizjen paralele, ngritjen në detyrë dhe pranimin në shërbimin civil gjyqësor*” dhe Udhëzimit Nr. 85 datë 11.03.2021 “ *Për procesin e plotësimit të vendeve të lira në shërbimin civil gjyqësor nëpërmjet procedurës së lëvizjes paralele, ngritjes në detyrë dhe pranimit nëpërmjet konkurimit të hapur*”, Gjykata e Rrethit Gjyqësor Durrës për vitin 2022 ka zhvilluar disa procedura për plotësimin e vendeve të lira në shërbimin civil gjyqësor si pasojë e të cilave janë rekrutuar 8 (tetë) sekretare gjyqësore.

Për nëpunësit të cilët kanë qenë në fazën e përfundimit të periudhës së provës dhe për marjen e statusit si nëpunës gjyqësor nga ana e Këshillit të Gjykatës janë verifikuar së pari kriteret ligjore të parashikuara në ligjin nr. 98/2016, datë 06.10.2016 “ *Për organizimin e pushtetit gjyqësor në Republikën e Shqipërisë*”, si dhe kriteret e përgjithshme dhe ato të veçanta të parashikuara në Vendimin nr. 338/2020 të KLGJ-së. Gjithashtu dhe kushtet e parashikuara në nenet 37, 38 të Vendimit nr. 622, datë 10.12.2020 të KLGJ-së “ *Për lëvizjen paralele, ngritjen në detyrë dhe pranimin në shërbimin civil gjyqësor*”. Është bërë vlerësimi i punës së tyre gjatë ushtrimit të

detyrës për periudhën 1 (një) vjeçare të kohës së provës, është parë përkushtimi i tyre në punë, respektimi i normave të etikës në punë.

Këshilli i Gjykatës për vitin 2022 ka vendosur për dhënie statusi për 6 (gjashtë) nëpunës civil në pozicionin e sekretarit gjyqësor. Ndërkohë për 1 (një) nëpunës gjyqësor nuk është dhënë statusi dhe për 3 (tre) nëpunëse gjyqësore është miratuar dorëheqja e tyre konkretisht për 2 (dy) sekretare gjyqësore të cilat ishin me status të nëpunësi gjyqësor dhe një sekretare gjyqësore ende e pa konfirmuar me status.

Për vitin 2022 Këshilli i Gjykatës ka trajtuar dhe ka vlerësuar me vendimin e tij nr. 225, datë 01.06.2022, *“Për mënyrën e pagimit të daljes në punë dhe pagesat jashtë kohës normale të punës”* për administratën gjyqësore të gjykatës.

Duke filluar nga kjo periudhë, e gjithë administrata gjyqësore, në rast të mos pasjes mundësi të kompensimit me leje, për shkak të ngarkesës së madhe në punë, është paguar nga zyra e financës për orët shtesë mbi kohën normale të punës.

IV. Arkiva

Për sa i përket gjendjes së Arkivës, në Gjykatën tonë paraqitet një problematikë serioze dhe ekzistuese prej vitesh, që ka të bëjë me mungesën e hapësirave të mjaftueshme për të sistemuar Arkivën e dosjeve penale dhe civile në një ambient të vetëm dhe të përshtatshëm.

Për shkak të ambienteve të pamjaftueshme për vendosjen e dosjeve gjyqësore, arkiva penale dhe civile është e shpërndarë në disa ambiente të ndryshme të gjykatës dhe një pjesë e tyre madje janë vendosur në garazhet e gjykatës të cilat janë të tejmbushur me dosje.

Por pavarësisht kësaj gjendje e shtuar nga ana jonë janë marrë masa për shërbimin arkivor gjyqësor lidhur me plotësimin e kushteve të sigurisë për vend – ruajtje të dokumentacioni arkivor.

Gjykata e Rrethit Gjyqësor Durrës ka marrë masa lidhur me plotësimin e kushteve të sigurisë për vend-ruajtjet e dokumentacionit arkivor. Të gjitha vendet e ruajtjes së këtyre dokumentave janë të pajisura me zgarë hekuri, fikëse zjarri, matës temperature dhe lagështire, izolim me hekura të dritareve, si dhe raftet ku janë vendosur dokumentacioni i arkivuar janë metalike. Ajrimi i ambjenteve arkivore bëhet në mënyrë natyrale nga dritaret, gjithashtu secili ambient arkivor është i pajisur me kondicioner. Në ambientet e Arkivave janë 4 (katër) fikse zjarri dhe gjithashtu jemi pajisur edhe me Çertifikatën përkatëse nga MZSH Bashkia Durrës që i plotësojmë kushtet e mbrojtjes nga zjarri.

Në ambeintet e vend ruajtjeve të dokumentacionit arkivor janë të vendosura 4 (katër) aparate që shërbejnë për matjen e temperaturës dhe lagështirës si dhe 4 (katër) regjistra për matjen e temeperaturës së ambjentit në të cilin shënohen çdo ditë të dhënat e nevojshme për të mbajtur nën kontroll kushtet klimatike.

Nga Gjykata janë marrë masa për vendosjen e dokumentacionit arkivor brenda mundësive të shfrytëzimit sa më efikas të ambienteve arkivore.

Fondi arkivor i Gjykatës së Rrethit Gjyqësor Durrës administrohet në 7 ambiente të cilat ndodhen të shpërndara në kate të ndryshme të godinës. Një nga këto ambiente është me sipërfaqen më të madhe pasi përfshin 5 zyra dhe një korridor të gjatë, të cilat së bashku janë 80m². Sipërfaqja e ambienteve të tjera është më e vogël, përkatësisht kemi 3 zyra nga 16 m² secila, zyrën kryesore të Arkivës e cila është 30m² dhe dy të tjera nga 16m² dhe 20m².

Ndërkohë për dosjet e vitit 2021- 2022 është përshtatur përsëri një zyrë si ambient arkivor me dollape metalike.

Ekziston nevoja për ambiente arkivore shtesë, pasi duke qenë para faktit të pamundësisë se ku do të arkivohen dokumentat arkivorë të reja, nga zyra e Arkivës është vijuar lidhja e dosjeve me spango dhe jo futja e tyre nëpër kuti (sipas udhëzimeve të Arkivit Shtetëror të Sistemit Gjyqësor Lundër) me qëllim krijimin e sa më shumë hapsirave të lira.

Aktualisht ambientet e Arkivave janë të plotësuar me rafte dhe nuk ka më vend të lirë. Në lidhje me përpunimin e dokumentacionit administrativ në Gjykatën e Rrethit Gjyqësor Durrës i gjithë dokumentacioni administrativ dhe dokumentacioni arkivor gjyqësor me ruajtje të përhershme që nuk ka plotësuar kohën për t'u transferuar pranë Arkivit Shtetëror të Sistemit Gjyqësor është i sistemuar, i ndarë në vite, dhe i vendosur në dosje të veçanta. Për shkak të mungesës së hapsirave fizike, e kemi të pamundur ndarjen e tyre në rafte të veçanta dhe vendosjen në kuti kartoni.

Këshilli i Gjykatës së Rrethit Gjyqësor Durrës me Vendimin Nr. 220 Prot., datë 19.05.2022. ka ndryshuar ngritjen e Komisionit të Ekspertizës me Vendimin Nr. 105 Prot., datë 10.05.2021. Gjate vitit 2022 Gjykata e Rrethit Gjyqësor Durrës, ka marrë masa lidhur me zbatimin e kërkesave të Ligjit Nr. 9154, datë 05.11.2003 “Për arkivat”.

Nga ana e arkivisteve janë merren masa që dokumentacioni administrativ i Gjykatës së Rrethit Gjyqësor Durrës, të përpunohet sipas kërkesave Ligjit Nr. 9154, datë 05.11.2003 “Për arkivat” dhe normave tekniko – profesionale e metodologjike të Shërbimit Arkivor të Republikës së Shqipërisë. Dokumentat arkivore gjyqësore me ruajtje të përhershme që nuk kanë plotësuar ende kohën për t'u transferuar pranë Arkivit Shtetëror të Sistemit Gjyqësor do të përpunohet në përputhje me Urdhrin Nr. 46, datë 15.06.2022 “Mbi Miratimin e Rregullores dhe Metodikën dhe Tipologjinë e Menaxhimit të Arkivës Gjyqësore”. Njëkohësisht tashmë si referencë e punës së arkivistëve është dhe Vendimi Nr. 426, datë 14.10.2022 i Këshillit të Lartë Gjyqësor.

Për vitin 2022 Arkiva ka kryer të gjitha procedurat dhe me Urdhërin Nr.150 prot., datë 30.11.2022 është urdhëruar transferimi i dosjeve gjyqësore civile me afat ruajtje të përhershëm nga Gjykata e Rrethit Gjyqësor Durrës në Arkivin Shtetëror të Sistemit Gjyqësor si me poshtë:
Për Kodin 1-001 (Trashëgimia) – viti 2010 – janë dorëzuar 1059 dosje të organizuara në 33 kuti.
Për Kodin 1-003 (Birësimi) – viti 2010 – janë dorëzuar 5 dosje. të organizuara në 1 kuti.
Për Kodin 1-004 (Pronësia) – viti 2010 – janë dorëzuar 470 dosje. të organizuara në 35 kuti.

Në total për vitin 2022 kemi transferuar 1534 (njëmijë e pesëqind e tridhjetë e katër) dosje gjyqësore civile me afat ruajtje të përhershëm.

Për vitin 2022 është lidhur kontrata nga Këshilli i Lartë Gjyqësor me subjektin “PC STORE” me objekt “*Program digjitalizimi i arkivave të gjykatave*”, ku menjëherë ka filluar puna për zbatimin e kësaj kontrate dhe për gjykatën tonë.

Nga ana e Këshillit të Lartë Gjyqësor është bërë ndjekja e detyrimeve të kësaj kontrate mbi ecurinë e procesit të digjitalizimit të arkivës sone gjyqësore. Ky proces vazhdon ende.

Ndërkohë për vitin 2022 nga ana e Arkivës u janë dhënë përgjigje e shërbime me kopje të dokumenteve gjyqësore, si kopje vendimi (arkiva), kopje të dosjeve gjyqësore për 560 (pesëqind e gjashtëdhjetë) kërkesave të bëra nga shërbimi elektronik i gjykatës, i cili ju vjen në ndihmë qytetarëve.

Gjithashtu punonjëset e arkivës kanë përballuar një punë të madhe konkretisht në fotokopjimin e përgatitjen e dosjeve gjyqësore të kërkuara si nga ana e Komisionit të Kualifikimit dhe nga Këshilli i Lartë Gjyqësor me qëllimin e fillimit të procedurave të vlerësimit etik dhe profesional, të gjyqtarëve të gjykatës sonë.

Sipas organikës, zyra e Arkivës në fillim të vitit 2022, ka qenë e përbërë nga 3 (tre) punonjëse në pozicion arkiviste.

Këshilli i Gjykatës për vitin 2022 ka pranuar dorëheqjen e njëres prej arkivistes së gjykatës për shkak të mosplotësimit të kriterëve të përgjithshme dhe të veçanta të parashikuara në Vendimin nr. 338/2020 të KLGJ-së.

Ndërkohë nga dy arkivistet, 1(një) është konfirmuar duke marrë statusin e nëpunësit civil gjyqësor dhe arkivistja tjetër nuk ka marrë konfirmimin nga ana e Këshillit të Gjykatës.

Në referim të Vendimit nr. 622 datë 10.12.2022 “ *Për lëvizjen paralele, ngritjen në detyrë dhe pranimin në shërbimin civil gjyqësor*” dhe Udhëzimit Nr. 85 datë 11.03.2021 janë rekrutuar 2 (dy) punonjëse në pozicionin e arkivistes , ku njeri ka dhënë dorëheqjen për të kaluar në pozicionin e sekretaritgjyqësor në gjykatë.

Në fund të vitit 2022 Arkiva e Gjykatës ka 2 (dy) punonjës efektive nga 3 (tre) në organiken e saj.

V. Dega e Buxhetit

Organika e Degës së Buxhetit dhe Financës së Gjykatës së Rrethit Gjyqësor Durrës përbehet nga 3 punonjës, kryetari i degës së buxhetit, ekonomisti dhe magazinjeri.

Në këtë zyrë gjatë vitit 2022 janë rekrutuar 2 (dy) punonjëse, njera në pozicionin e ekonomistes dhe tjetra në pozicionin e magazinieres. Të dyja këto rekrutime janë bërë pas miratimit të kërkesave të dorëheqjeve të punonjësve që kanë qenë në detyrë më parë.

Gjatë vitit 2022 kjo strukturë, në ndjekje të detyrave të saj administrative dhe financiare ka arkëtuar për interes të Buxhetit të Shtetit të ardhurat në formën e taksave të padive dhe taksat mbi aktet dhe shërbimet gjyqësore, garancitë etj, të cilat në total arrijnë në vlerën 23.661.104 (njëzet e tre milion e gjashtëqind e gjashtëdhjetë e njëmijë e njëqind e katër) Lekë të derdhura në Buxhetin e Shtetit.

Gjykata e Rrethit Gjyqësor Durrës rezulton të jetë mjaft efektive në vjeljen që në momentin e dorëzimit të kërkesë-padive dhe kërkesave të tjera të taksës gjyqësore dhe shpenzimeve të njoftimit.

Ndër Vendimet më të rëndësishme të Këshillit të Gjykatës dhe KLGJ gjatë vitit 2022 që kanë pasur karakter finacar dhe që kanë ndikuar në punën e strukturës së financës dhe stafin e gjykatës janë.

Vendimi Nr.225, datë 01.06.2022, “Për mënyrën e kompensimit për orët shtesë të kryera mbi kohën normale të punës nga nëpunësit civilë gjyqësor dhe nëpunës të tjerë administrative në gjykatë” Këshilli i Gjykatës ka trajtuar dhe vlerësuar për administratën bazuar në Udhëzimin e KLGJ nr.48, datë 08.02.2022.

Vendimi Këshilli i Gjykatës të dates 17.03.2022 dhe i dates 01.07.2022 për Miratimin Projekt-Buxhetit Afatmesëm, për vitin 2023-2025.

Vendimi Nr.35, datë 22.11.2022 i Gjykatës Kushtetuese, Udhëzimi i KLGJ Nr.78, datë 16.02.2023 “Për llogaritjen e pages referuese bazë të magjistratit” etj.

VKM Nr.187/2017 e ndryshuar dhe VKM Nr.234/2022 të ndryshuar “Për ndryshimet e pagave për nëpunësit civil dhe nëpunës të tjerë” etj.

Gjykata e Rrethit Gjyqësor Durrës në bashkëpunim me KLGJ aplikojnë sistem financiar elektronik KREATEX i cili është program bashkohor, që mundëson informacionin kontabël të nevojshëm dhe të domosdoshëm sipas të gjitha kërkesave të legjislacionit në fuqi.

Në vitin 2022 struktura e finacës ka bërë çdo muaj raportime on-line në KLGJ nëpërmjet sistemit finacar KREATEX, në Degën e Thesarit Durrës raporton on-line nëpërmjet sistemit AFMIS, në Tatim Taksa Durrës nëpërmjet 2(dy) sistemeve on-line, e-fiskalizimi dhe Tatimet e mia dhe në Sigurimet Shoqërore Durrës nëpërmjet on-line e-albania.

Kjo rritje e kërkesës në sisteme të ndryshme raportimi ka çuar në rrijen e punës së kësaj strukture. Problematikë jo vetëm e gjykatës tonë mbetet mospasja e një mënyre matjeje të shpenzimeve gjyqësore sa i takon kostos të gjykimit, apo kostos së shtyrjes së seancës gjyqësore, e cila aktualisht barazohet vetëm me shpenzimet për njoftimet e palëve. Ndërkohë, në vendet e tjera një kosto e tillë përlllogarit me koston e punës së paguar të gjyqtarit dhe administratës gjyqësore, si dhe me matës të tjerë, të cilët janë të nevojshëm për analizën e kostos më pas. Mbetet për t’u parë në të ardhmen përgatitja dhe vënia në funksionim nga ana Këshillit të Lartë Gjyqësor e një mënyre për përlllogaritjen e kostove të mësipërme.

Nga kjo anë do të merren masa nga Gjykata e Rrethit Gjyqësor Durrës në bashkëpunim me Këshillin e Lartë Gjyqësor që të saktësohet, formalizohet dhe unifikohet formati i llogaritjes së shpenzimeve gjyqësore dhe kodifikimi i tyre sipas gjyqtarëve dhe të mundësohet shtimi i një opsioni në sistemin elektronik të menaxhimit të çështjeve gjyqësore, ku të evidentohet vlera e objektit të padisë, tarifa gjyqësore dhe pagesa e saj, në mënyrë që të sigurohet kontrolli i kësaj të ardhure.

Një problematikë tjetër që kemi hasur gjatë vitit 2022 është vjelja e detyrimeve nga qytetarët për pagesën e shërbimeve të parapaguara të kadastrës.

Sipas VKM Nr.389, datë 13.05.2020 “Për miratimin e listës dhe tarifave të shërbimeve kadastrale” gjykata është e detyruar të paguajë faturat e fiskalizuara të kadastrës për shërbimet kadastrale të nevojshme në proceset gjyqësore.

VKM-ja në fjalë parashikon mënyrën e aplikimit dhe tarifat standarte për çdo shërbim të kadastrës, por nuk rregullon mënyrën e pagesës së kësaj tarife nga qytetari si kërkues i shërbimit. Në këto kushte gjykata ka hasur mjaft vështirësi në mbledhjen e detyrimeve për këto shërbime nga qytetarët të cilët janë palë në procese gjyqësore.

Problematikë tjetër e hasur gjatë vitit 2022 është mungesa e një udhëzimi për përcaktimin e tarifës dhe mënyrës së pagesës së tarifës së shpërblimit për psikologët kryesisht, gjatë proceseve penale me të mitur. Aktualisht psikologët paguhën sipas Udhëzimit të përbashkët Nr.8, datë 19.07.2022 “Për përcaktimin e tarifave për kryerjen e shërbimit të përkthimit zyrtar”.

Gjithashtu ndryshimet në Kodin e Procedurës Civile dhe Ligjin nr.35/2017, parashikojnë dhënien e gjobës nga ana e gjyqtarit penalist apo civil gjatë procesit gjyqësor. Dhënia e këtyre gjobave bëhet me vendime ndërmjetëse dhe ndjekja e tyre deri në vjelje është e vështirë nga ana e structures së financës.

Për këtë arsye pasja e një praktike unifikuese nga KLGJ-ja për këto raste do të ishte e nevojshme në punën tonë.

Dhe në përfundim një domosdoshmëri mbetet edhe ngritja e njësisë së prokurimit, e cila të ketë njohuritë dhe trajnimin e nevojshëm për të siguruar një ecuri normale të proceseve të prokurimit të shërbimeve dhe mallrave në institucion, njësi e cila për shkak të pamjaftueshmërisë së stafit administrativ është ngritur çdo vit në mënyrë të përkohshme, për realizimin e procedurave të tenderimit, por nuk është një strukturë e përhershme.

VI. VOLUMI I ÇËSHTJEVE

Gjatë vitit 2022 në Gjykatën e Rrethit Gjyqësor Durrës janë paraqitur gjithsej për gjykim 8097 çështje nga të cilat: 3023 (37%) çështje themeli penale e civile; 5074 (63 %) kërkesa administrative penale e civile nga të cilat: 1563 kërkesa për lëshimin e urdhërit të ekzekutimit, 793 kërkesa gjatë fazës së hetimeve paraprake dhe 1535 kërkesa në Seancë Paraprake. (Grafiku nr.1).

Numri i seancave të zhvilluara dhe regjistruara sipas të dhënave të Sistemit Elektronik PAKS+ për vitin 2022 për shqyrtimin e çështjeve në total është 18210 seanca, ndërsa numri i seancave për vitin 2021 është 21731.

Numri i seancave audio 5735, e shprehur në përqindje numri i seancave audio për periudhën 1 Janar 2022 deri me 31 Dhjetor 2022, ka qenë 33,6%, ndërsa diferenca është mbajtur në zyrat e gjyqtarëve për shkak të mungesës së sallave të gjykim dhe volumnit të madh të seancave që zhvillohet në një ditë.

Sipas Komisionit European për Eficencën në Drejtësi (CEPEJ) për të analizuar e të dhënat statistikore në tërësi përdoren 2 indikatorë që janë Clearance Rate (CR indicator) i cili tregon raportin midis çështjeve të regjistruara me çështjet e përfunduara në përqindje dhe Disposition Time (DT) i cili tregon raportin e shpejtësisë së përfundimit të çështjeve gjyqësore të ardhura në gjykatë në ditë.

Për Gjykatën e Rrethit Gjyqësor Durrës rezulton se Clearance Rate për çështjet Penale (Treguesi Normale përfundimit/Likuidimit e çështjeve) gjatë vitit 2022 është 88,5 % dhe Clearance Rate për çështjet Civile është 88,4 %.

Koha e nevojshme për përfundimin e një çështje penale për vitin 2022 është 71 ditë dhe për çështjet civile është 164 ditë.

Clearance rate penal (Treguesi Norma e Përfundimit/Likuidimit të Çështjeve)

$$CR_{penale}2022 = \frac{\text{numri i ceshtjeve te perfunduara}}{\text{numri i ceshtjeve te reja}} * 100 = \frac{3426}{3868} * 100 = 88,5 \%$$

Clearance rate Civil (Treguesi Norma e Përfundimit/Likuidimit të Çështjeve)

$$CR_{civile}2022 = \frac{\text{numri i ceshtjeve te perfunduara}}{\text{numri i ceshtjeve te reja}} * 100 = \frac{3740}{4229} * 100 = 88,4 \%$$

se disposition time penale (Koha e nevojshme për Përfundimin/Likuidimin e Çështjeve)


$$\text{penale}_{2022} = \frac{\text{numri i çështjeve në pritje për gjykim më 31.12.2021}}{\text{numri i çështjeve të zgjidhura}} * 365 = \frac{674}{3426} * 365 = 71$$

se disposition time civile (Koha e nevojshme për Përfundimin/Likuidimin e Çështjeve)

$$\text{civile}_{2022} = \frac{\text{numri i çështjeve në pritje për gjykim më 31.12.2021}}{\text{numri i çështjeve të zgjidhura}} * 365 = \frac{1690}{3740} * 365 = 164$$

Grafiku nr. 1


Grafiku i ngarkesës për gjykatën në tërësi



Konstatohet se në numrin total të çështjeve për gjykim në vitin 2022 ka ulje të numrit të çështjeve të ardhura nga viti 2021, nga 8666 çështje gjatë vitit 2021 në 8097 gjatë vitit 2022.

Grafiku nr. 2

Numri i çështjeve për gjykim themeli



Sa i përket çështjeve civile themeli vërehet ulje e lehtë nga 2489 në vitin 2021 në 2106 në vitin 2022 dhe për çështje penale nga 989 në vitin 2021 në 917 në vitin 2022 (Grafiku nr.3).

Pavarësisht se numri i çështjeve ardhura të reja për vitin 2022 ka qënë në ulje në krahasim me vitin 2021 nuk do të thotë që ngarkesa e gjyqtarëve ka qënë më e ulët për vitin 2022 pasi numri i çështjeve të mbartura të cilat presin për gjykim nga viti 2021 është 2364 duke e bërë në këtë mënyrë numrin e çështjeve për gjykim në 10461. (Tabela A dhe B)

Nëse do ti referohemi çështjeve të gjykuara (të përfunduara) numri total i çështjeve të shqyrtuara gjatë vitit 2021 ka qënë në total 8392. Nga këto numri i çështjeve të përfunduara civile ishte 5117 dhe i atyre penale 3275. Për sa i përket vitit 2022 numri total i çështjeve të përfunduara është 7166, nga këto numri i çështjeve civile është 3740 dhe numri i çështjeve penale 3426. Nga krahasimi i këtyre dy viteve rezulton një rënie e çështjeve të gjykuara civile, ndërkohë që për çështjet penale të përfunduara penale kemi një rritje, për shkak të afatit të shkurtër ligjor të gjykimit.

Ndërkohë, 818 çështje civile janë mbyllur me vendim jopërfundimtar nga ana e gjykatës në raste të tilla si: kur është vendosur pushimi i çështjes për shkak të zgjidhjes së saj jashtëgjyqësisht, pushimit të çështjes për shkak të heqjes dorë nga gjykimi i padisë, pushimit për shkak të mosparaqitjes së paditësit apo ankuesit, vendime pezullimi, pushim për shkak të tërheqjes së të dëmtuarit akuzues në rastin e veprave penale që gjykohen mbi ankimin e këtij të fundit, shpalljes së moskompetencës tokësore apo lëndore, etj.

Lidhur me llojin e natyrës së çështjeve, nga të dhënat statistikore rezulton se në kategorinë e çështjeve civile gjatë vitit 2022 janë gjykuar 1264 çështje civile të përgjithshme me palë kundërshtare, 624 çështje familjare me palë kundërshtare, 576 çështje me objekt “Zgjidhje Martese”, si dhe 106 çështje “Marrëdhënie pune”.

Për vitin 2022 është vënë re një rritje e numrit të çështjeve të përfunduara me objekt “Marrëdhënie pune”. Ndërkohë vazhdon të jetë i lartë numri i çështjeve me objekt “Zgjidhje martese”. Ndërsa për sa i përket, padive me objekt “kundërshtim i veprimeve përmbarimore” për vitin 2022 janë shqyrtuar në total 74 çështje.

Për sa i përket numrit të kërkesave të seancave paraprake si kërkesa penale për dërgimin e çështjes në gjyq, kërkesa për pushimin e çështjes penale për krime apo ankim ndaj vendimit të pushimit të çështjes për kundërvajtje penale vihet re një rritje për vitin 2022. Kështu në vitin 2021 ishin paraqitur për gjykim gjithsej 1203 kërkesa të seancës paraprake, ndërkohë për vitin 2022 janë paraqitur 1399. Nga këto ka përfunduar gjykimi në vitin 2021 për 954 çështje dhe për vitin 2022 ka përfunduar gjykimi për 1127 çështje. (Tabela nr.3/a)

Për çështjet penale themeli numri më i madh i tyre i takon veprës penale të parashikuar nga neni 130/a i Kodit Penal me 83 të dënuar, vepra penale për Nenin 134 të K.Penal me 95 të dënuar, për Nenin 291 të K.Penal me 242 të dënuar. (Tabela Nr. 4)

Për vitin 2022, Gjyqtari Shpëtim Reka me Vendimin Nr.512, datë 25.02.2022 të KPK është shkarkuar nga detyra.

Sipas urdhërit Nr. 34 Prot., date 25.02.2022, të Zv. Kryetarit është vendosur përjashtimin nga shorti i gjyqtarit Shpëtim Reka për shkak të shkarkimit të saj nga detyra me vendim të Komisionit të Pavarur të Kualifikimit.

Për Gjyqtare Flora Hasimi me Vendimin Nr. 353 Datë 27.07.2022 të KLGJ është pranuar kërkesa e saj për dorëheqje.

Me urdhërin Nr.93 Prot., datë 28.07.2022, të Zv. Kryetarit është vendosur përjashtimi nga shorti i Gjyqtarës Flora Hasimi, për shkak të dorëheqjes së saj.

Me Vendimin Nr. 226 Datë 20.06.2022 të KLGJ, gjyqtari Markelian Koça është vendosur në skemën e delegimit pranë Gjykatës së Apelit Durrës me një afat 1 vjeçar. Në pikën 4 të Vendimit të sipërcituar është ngarkuar që të përfundojë të gjitha çështjet që ka në shqyrtim në Gjykatën e Rrethit Gjyqësor Durrës (civile dhe penale), të cilat kanë kaluar në seancë gjyqësore.

Me vendimin Nr.229 Prot., datë 20.06.2022, të Këshillit të Gjykatës është vendosur përjashtimi i gjyqtarit Markelian Koça, i cili është transferuar në Gjykatën e Apelit Durrës, sipas skemës së delegimit.

Gjyqtare Nurjeta Tafa me urdhrin Nr. 85 Prot., datë 24.05.2021, të Zv/Kryetarit të asaj kohe është përjashtuar nga shorti i të gjitha çështjeve nga data 24.05.2021 deri në një urdhër të dytë, pas rikthimit të saj në punë nga leja e lindjes. Kështu, pas përfundimit të lejes së lindjes, me

Urdhërin Nr.106 Prot datë 06.09.2022, të Zv/Kryetarit është vendosur hyrja në short e gjyqtarës Nurfeta Pogaçe (Tafa).

Dhe për vitin 2022 Këshilli i Gjykatës ka vijuar në bashkimin e seksionit civil dhe seksionit penal në një seksion të vetëm.

Pranë Gjykatës së Rrethit Gjyqësor Durrës, funksionon Seksioni për të Mitur, i cili përbëhet nga gjyqtarët Paulin Çera, Besjana Garxenaj dhe Petraq Çuri, të specializuar në këtë fushë, që gjykojnë njëkohësisht edhe çështjet për të rritur.


Gjatë vitit 2022 në Gjykatën e Rrethit Gjyqësor Durrës janë regjistruar 11 çështje penale ku të pandehur kanë qenë persona të mitur dhe kanë përfunduar gjatë këtij viti 11 çështje. Në caktimin e masave të dënimit është aplikuar Kodi i Drejtësisë Penale për të Mitur dhe në rastet e tjera janë aplikuar dënimet alternative sipas Kodit Penal. (Tabela Nr.3/b)

Lidhur me llojin dhe masën e dënimit të aplikuar nga gjykata në çështjet penale të gjykuara gjatë vitit 2022, referuar të dhënave të Tabelës Nr.5 konstatohet se lloji më i përhapur i dënimit është ai me burgim deri në 2 vjet (287 raste), ndjekur nga dënimi me gjobë (94 raste) dhe ai me burgim 2-5 vjet (71 raste).

Ndërkohë, gjatë vitit 2022 dënimet alternative rezultojnë të jenë aplikuar nga gjykata në 534 raste, ndër të cilat 455 është aplikuar neni 59 i Kodit Penal (pezullim i ekzekutimit të dënimit me burgim), në 79 raste gjykata ka vendosur punë me interes publik (neni 63 i Kodit Penal). (Tabela nr. 5)

Lidhur me disponimet e gjykatës për “Masat e sigurimit personal” janë të paraqitura grafikisht si me poshtë:

Grafiku nr.3 i masave të sigurimit



Nga 793 kërkesa gjatë fazës së hetimeve paraprake të paraqitura për vitin 2022, masa sigurimi të dhëna nga gjykata janë respektivisht: 280 raste arrest në burg, 12 raste arrest në shtëpi, 282 raste detyrim paraqitje, 4 raste arrest në mungesë, 4 raste mjekim i detyruar dhe 19 raste garanci pasurore.

Sa i përket gjykimeve të tjera të posaçme pranë Gjykatës së Rrethit Gjyqësor Durrës gjatë vitit 2022 janë paraqitur për gjykim 43 kërkesa me gjykim të drejtpërdrejtë.

Gjatë vitit 2022 në Gjykatën e Rrethit Gjyqësor Durrës kanë ushtruar efektivisht detyrën, duke marrë pjesë edhe në short, gjithsej 6 gjyqtarë, të cilët në periodha të caktuara mund të kenë qenë të përjashtuar nga shorti për shkak të mungesës në punë për arsye shëndetësore.


Referuar të dhënave statistikore të detajuara në Tabelën Nr.3 mund të bëhet një mesatarizim i punës së gjyqtarëve.

Mesatarja e çështjeve për gjykim penale është 571.

Mesatarja e çështjeve për gjykim civile është 623.

Gjatë vitit 2022 janë shqyrtuar nga Zëvendëskryetari i Gjykatës 216 “Kërkesa për heqje dorë” nga të cilat 180 kërkesa janë miratuar dhe 36 kërkesa janë refuzuar. (Grafiku 3/a | Tabela 3/c).


Grafiku nr. 3/a
Kërkesa për heqje dorë ndër vite



Kërkesat për përjashtimin e gjyqtarit janë paraqitur gjithsej 40, nga të cilat 17 kërkesa për përjashtimin e gjyqtarit në proces penal dhe 23 kërkesa për përjashtimin e gjyqtarit në proces civil. (Grafiku Nr.3/b)

Grafiku Nr. 3/b

TIPI I KËRKESËS



VII. SHPEJTËSIA NË GJYKIM

Përsa i përket shpejtësisë në gjykim, Gjykata e Rrethit Gjyqësor Durrës paraqet tregues të kënaqshëm në funksion të dhënies së drejtësisë, brenda një afati të arsyeshëm kohor sipas detyrimeve procedural dhe parashikimeve kushtetuese të nenit 42/2 dhe nenit 6§1 të Konventës Europiane për të Drejtat e Njeriut.

Një pengesë në shpejtësinë e gjykimit edhe në vitin 2021 e bën sistemi i shërbimit postar të njoftimeve, shtrirja e gjerë territoriale në të cilën ushtron veprimtarinë Gjykata dhe mungesa e një sistemi të saktë adresash.


Faktorët e jashtëm që kanë ndikuar në shpejtësinë në gjykim janë kërkesat e palëve për t’u mbrojtur me avokat pa e siguruar një mbrojtje të tillë para se të fillojë procesi gjyqësor dhe për të paraqitur prova, paraqitja e kërkesave për shtyrje të seancës, nisur nga pjesëmarrja në gjykim tjetër etj.

Ndër faktorët e tjerë të brendshëm që ndikojnë në shpejtësinë e gjyimit është ngarkesa shumë e lartë në punë për secilin gjyqtar, referuar numrit mesatar të çështjeve për gjyqtar dhe organikës së gjykatës, numrit të delegimeve të gjyqtarëve në gjykata të tjera.

Gjatë vitit 2022, kanë qenë pothuajse të gjithë gjyqtarët të deleguar në Gjykatën e Rrethit Gjyqësor Kavajë, si gjyqtare Shpetime Pitaku, Besjana Garxenaj, Petraq Curri. Ndërsa gjyqtari Rexhep Bekteshi ka vazhduar në përbërje të trupit gjykues për çështje të caktuara për llogari të Gjykatës së Posaçme të Shkallës së Parë për Korrupsionin e Krimin e Organizuar.

Lidhur me shpejtësinë në gjykim, kanë përfunduar deri në 6 muaj (3311) 96.6 % e çështjeve penale, kanë përfunduar brenda periudhës 6 muaj - 1 vit (79) 2.4% e çështjeve dhe 1% e çështjeve ka përfunduar mbi 1 vit.(36) (shih Grafikun Nr.4/ Tabela Nr.6).

Grafiku Nr. 4
Grafiku bazuar në numrin e seancave: Penale




Ndërkaq, kanë përfunduar për periudhën deri në 6 muaj (2756) 74% e çështjeve civile, kanë përfunduar brenda periudhës 6 muaj - 1 vit (764) 20% e çështjeve, ndërkohë që në periudhat mbi 1 vit kanë përfunduar (220) vetëm 6% e tyre (Shiko grafikun Nr. 5/tabela 6).

Grafiku Nr. 5

Grafiku bazuar në kohëzgjatjen e seancave: Civile


Grafiku bazuar në kohëzgjatjen e seancave Civile



Grafiku nr. 6

Grafiku bazuar në kohëzgjatjen e seancave: Civile dhe Penale

Kohëzgjatja e çështjeve në tërësi



Ndër faktorët kryesorë që ndikojnë në shpejtësinë e gjykimit padiskutim më i rëndësishmi mbetet sistemi i adresave, i cili i lidhur me ndryshimet procedurale ka ndikuar në kohëzgjatjen e gjykimit.

Megjithatë, në shpejtësinë e gjykimit ndikojnë edhe faktorë të tjerë, menaxhimi i çështjes për gjykim nga ana e vetë gjyqtarit, lloji i gjykimit (gjykimi i shkurtuar ose i drejtpërdrejtë në çështjet penale dhe ai i kërkesave civile), kompleksiteti i çështjes, realizimi i njoftimeve të rregullta të palëve e dëshmitarëve, përgjigjia e institucioneve publike e private, etj., faktorë ndër të cilët vend të veçantë zë edhe sjellja e palëve ndërgjyqëse gjatë gjykimit, çka rezulton ende të jetë shkaku kryesor për shtyrjen e seancave gjyqësore.

Për vitin 2022 kanë ndikuar jo për mirë në shpejtësinë e gjykimit dhe bojkoti i Dhomës Vendore të Avokatisë Durrës në referim të Vendimit Nr. 1, datë 11.06.2022 të Dhomës së Avokatisë së Shqipërisë, Në muajin qershor-korrik 2022 avokatet kanë bojkotuar seancat gjyqësore edhe në Gjykatën e Rrethit Gjyqësor Durrës.

Gjykata e Rrethit Gjyqësor Durrës ka patur për datat e bojkotit nga periudha 14/06/2022-deri më datë 08/07/2022 në total seanca të planifikuara 1006, prej të cilave 489 seanca janë shtyrë për shkak të bojkotit të avokatëve.

VIII. PROGRAMI I TRANSPARENCËS

Parimi i transparencës dhe aksesit në Gjykatë është një ndër pikat kyçe të cilës së fundmi i është kushtuar një rëndësi e veçantë. Gjykata e Rrethit Gjyqësor Durrës, në përputhje me legjislacionin në fuqi, në kuadër të përshtatjes edhe të situatës së krijuar (tërmet, pandemi, ngarkesë e madhe çështjesh, riorganizim i hartës gjyqësore etj.) me qëllim aksesin në gjykatë, shmangien e vonesave, marrjen e shërbimeve nga përdoruesit/qytetarët, vijimin e veprimtarisë administrativo-gjyqësore, ka marrë të gjitha masat e nevojshme për të krijuar kushtet për aksesimin në shumë mënyra si on-line edhe fizikisht të një sërë shërbimesh në gjykatë të cilat i ofrohen përdoruesve.

Ligji Nr. 115/2016 “Për organet e qeverisjes së sistemit të drejtësisë” i ndryshuar, në nenin 91 të tij, parashikon në mënyrë të shprehur qasjen në drejtësi dhe marrëdhëniet me publikun. Gjithashtu, sikurse për çdo autoritet tjetër publik, ligji për të drejtën e informimit i ngarkon Gjykatat me detyrime specifike për të ndërtuar dhe garantuar transparencë mbi veprimtarinë e tyre për palët në proces, grupet e interesit, publikun dhe median.

Sa më sipër, kryesisht nëpërmjet faqes zyrtare <https://gjykata.gov.al/rrethi-durr%C3%ABs/gjykata-e-rrethit-durr%C3%ABs/> të Gjykatës përdoruesit mund të ndjekin ecurinë e gjykimeve në porces shqyrtimi në të cilat janë palë ndërgjyqësre, mund të aksesojnë një sërë të dhënash statistikore për qëllime studimore, për transparencën etj., mund të shohin në kohë reale shortin elektronik, fazën e gjykimit të çështjes për të cilën janë të interesuar, mund të shikojnë datën e seancës së ardhshme, vendimet përfundimtare etj.

Gjithashtu është zgjeruar mënyra e kërkimit të informacionin në gjykatë si për kërkimet e informacionit po ashtu edhe dokumentacionit apo akteve të tjera.

Aktualisht përdoruesit për marrjen e informacionit dhe dokumentacionit nga Gjykata mund të aplikojnë dirket në ***"Formularin për marrjen e dokumentacionit nga Gjykata"*** i cili gjendet në faqen zyrtare të gjykatës si dhe mund të bëjnë kërkesë në postën elektronike të gjykatës zmp.gjykatarrrethidurres@gjykata.gov.al. Këtë shërbim mund ta marrin edhe fizikisht pranë Sportelit të Shërbimit të Gjykatës. Pra, përdoruesit e gjykatës kanë në dispozicion shumë mënyra jo vetëm si të aksesojnë gjykatën por edhe të marrin shërbim.

Këshilli i Lartë Gjyqësor si një risi për vitin 2021-2022, në rolin e organit qeverisës për sistemin gjyqësor, ka ndërmarrë një sërë projektesh në fushën e teknologjisë, me qëllim ofrimin e shërbimeve inovative për gjyqësorin. Një ndër këto projekte, është edhe projekti *"Formulari elektronik i aplikimit"*.

Në kuadër të përmirësimit të shërbimit, ky shërbim elektronik paraqitet si shumë i dobishëm pasi u vjen në ndihmë qytetarëve/përdoruesve të gjykatës që të dërgojnë një aplikim, për t'u pajisur me kopje të dokumenteve gjyqësore të tilla si, kopje vendimi viti aktual, kopje vendimi (arkiva), kopje të dosjeve gjyqësore, vërtetim për çështje në proces gjykimi (individ), vërtetim për çështje në proces gjykimi (shoqëri tregtare), vërtetim për ndjekje penale.

Formulari online i aplikimit, është shtuar tashmë si rubrikë e re, në profilin e çdo gjykate, në portalin www.gjykata.gov.al por sjellim në vëmendje se Gjykata e Rrethit Gjyqësor Durrës tashmë e ka të konsoliduar këtë mjet të ri aksesi pasi e ka bërë pjesë të saj vite me parë.

Të dhënat e grumbulluara nga aplikimet, përpunohen dhe ruhen në përputhje të plotë me parashikimet e ligjit Nr. 9887, datë 10.03.2008 *"Për Mbrojtjen e të Dhënave Personale"*.

Për të nisur procesin e aplikimit për një nga dokumentet e sipërcituara, kërkuesi, plotëson të gjitha informacionet e kërkuara brenda këtij formulari on-line, konkretisht <https://gjykata.gov.al/rrethi-durr%C3%ABs/gjykata-e-rrethi-durr%C3%ABs/formular-aplikimi/>

Pas dërgimit të aplikimit drejt gjykatës, ai procesohet nga nëpunësi i gjykatës, dhe në varësi të informacionit, kthimi i përgjigjes dhe i materialeve të kërkuara nga kërkuesi kryhet duke u paraqitur pranë ambienteve të gjykatës ose kur është rasti ato përcillen elektronikisht pa qenë nevoja e paraqitjes fizikisht në gjykatë.

Referuar sa më sipër, Gjykata e Rrethit Gjyqësor Durrës po bashkëpunon me Këshillin e Lartë Gjyqësor me qëllim impementimin sa më të saktë lidhur me komunikimin elektronik, me qëllim trajtimin e këtyre kërkesa që do të vijnë nga ky shërbim i ri.

IX. Programi i Transparencës:

Në përputhje me nenin 7 të ligjit Nr. 119/2014 *"Për të Drejtën e Informimit"* në faqen zyrtare është publikuar programi i transparencës për Gjykatën e Rrethit Gjyqësor Durrës. Nëpërmjet këtij programi përcaktohet korniza ligjore e veprimtarisë së autoritetit në kuadër të ligjit nr.119/2014 *"Për të Drejtën e Informimit"*.

Informacioni i bërë publik në këtë program, synon të bëjë transparencën e veprimtarisë së punës së Gjykatës së Rrethit Gjyqësor Durrës, nëpërmjet pasqyrit të tij në faqen zyrtare <http://www.gjykata.gov.al> si dhe në mjediset e pritjes së publikut.

Gjykata e Rrethit Gjyqësor Durrës është një institucion që ka marrë të gjitha masat për respektimin maksimal të të gjitha detyrimeve që rrjedhin nga ky ligj, duke publikuar/përditësuar në faqen e saj elektronike zyrtare të gjithë informacionin dhe dokumentacionin e disponuar prej saj, të parashikuar nga ligji si të detyrueshëm për publikim.

Dokumentacioni i bërë publik, është i përditësuar në formë e përmbajtje. Faqja zyrtare e Gjykatës së Rrethit Gjyqësor Durrës është ndërtuar në atë formë që mundëson informacion për publikun pa kërkesë në format lehtësisht të kuptueshëm në bashkëpunim me Specialistin e IT-së përditësohet nga data e krijimit të saj referuar kërkesave të publikut të bazuara në Ligjin Nr.119/2014 “Për të Drejtën e Informimit”.

X. Koordinatori për të drejtën e informimit:

Koordinatori për të drejtën e informimit përpunon të gjitha kërkesat, kthen përgjigje në rrugë elektronike dhe jep orientimet e nevojshme për qytetarët që të mund të drejtohen pa vështirësi në gjykatë që të marrin informacionin e nevojshëm me anë të fletë-palosjeve, formularëve apo informacionit që gjendet në faqen zyrtare të gjykatës, ndërkohë urdhrat proceduralë apo akte të tjera administrative që kanë të bëjnë me procedurat në gjykatë, janë publikuar rregullisht në faqen e internetit të gjykatës.

Gjatë vitit 2022 janë trajtuar 105 kërkesa në përputhje me ligjin Nr. 119/2014 “Për të Drejtën e Informimit”. Në asnjë rast nuk është ushtruar ankim tek Komisioneri për të Drejtën e Informimit. Gjatë vitit 2022 vihet re një rritje e konsiderueshme e numrit të kërkesave për informacion si dhe konstatohet se këto kërkesa vijnë në gjykatë nga mënyra dhe nga subjekte/grupe të ndryshme interesi si psh: me kërkesë për shkrim fizikisht, nëpërmjet e-mail zyrtar apo aplikimeve on-line në portal.

Në vitin 2022, pranë Gjykatës së Rrethit Gjyqësor Durrës është përcjellë nga Këshilli i Lartë Gjyqësor materialet mbi Njoftimin e Vendimit Nr. 454, datë 02.11.2022 “Për miratimin e planit të komunikimit për gjykatat” dhe në vijim “Planin e Veprimi”.

Plani i Komunikimit 2-vjeçar synon të strukturojë të gjithë aktorët institucionalë, mediat, shoqërinë, qytetarët, përdoruesit e gjykatës, të kenë lehtësisht akses në sistemin gjyqësor dhe të përfitojnë shërbimet në mënyra novative. Ky plan është në përputhje të Planin Strategjik të Komunikimit për Sistemin Gjyqësor, shoqërohet me Plan Veprimi, duke përcaktuar idetë dhe mjetet praktike për lehtësim të aksesit në sistemin gjyqësor, mjetet e komunikimit, objektivat, grupet e interesit, institucionet përgjegjëse zbatuese, burimet e financimit, indikatorët e vlerësimit etj. Qëllimi kryesor është rritja e transparencës, niveli i informimit, cilësia e

shërbimeve, diversifikimi i mjeteve të komunikimit, aksesimi sa më i lehtë i sistemit gjyqësor në tërësi.

Vendimi Nr. 454, datë 02.11.2022, i KLGJ-së, “Për miratimin e Planit të Komunikimit për Gjykata”, kërkon nga Këshillat e Gjykatave, për të caktuar një pike kontakti që do të raportojë çdo tre muaj pranë Drejtorisë për Marrëdhënies me Median dhe Publikun në Këshillin e Lartë Gjyqësor, për zbatimin e Planit të Komunikimit.

Referuar parashikimeve ligjore të Ligjit Nr. 119/2014, Koordinatorin për të drejtën e informimit është njëkohësisht edhe Personi Kontakti për Gjykatën e Rrethit Gjyqësor Durrës. Këshilli i Gjykatës Rrethit Gjyqësor Durrës, ka caktuar si personi kontakti për raportimin në KLGJ për monitorimin dhe zbatimin e Planit të Komunikimit për Gjykatën e Rrethit Gjyqësor Durrës, Nëpunësja për Marrëdhëniet me Publikun dhe Median.

Pika e kontaktit do të paraqesë çdo 3 muaj, raportin e realizimit dhe ecurisë së zbatimit të Planit, pranë Këshillit të Lartë Gjyqësor, sipas formatit të unifikuar të raportit, shtojcë e këtij Plani. Monitorimi do të mbështetet në progresin e zbatimit të çdo aktiviteti të parashikuar në Planin e Veprimit duke ndjekur rregullisht zbatimin e aktiviteteve sipas përshkrimit, afatin e realizimit të tyre dhe përmbushjen e indikatorëve të parashikuar. Qëllimi i këtij monitorimi është adaptimi/përmirësimi i planit në varësi të kushteve, rrethanave apo nevojave që gjykatave mund t'i lindin gjatë kohës së zbatimit të tij. Gjykatat në raportin e monitorimit të realizimit të Planit do të paraqesin edhe vështirësitë dhe rekomandimet për përmirësim apo rishikim.

Gjykata e Rrethit Gjyqësor Durrës, aktualisht është në proces implementimi të hapave konkretë konform parashikimeve të Udhëzuesit të Planit të Veprimit.

XI. MARRËDHËNIET ME INSTITUCIONET E TJERA DHE PUBLIKUN

Gjykata e Rrethit Gjyqësor Durrës, natyrshëm përveç veprimtarisë gjyqësore në fokus ka edhe bashkëpunimin si me institucionet e tjera, po ashtu edhe me grupet e tjera të interesit, organizatat e ndryshme (OJF/OJQ/qendra etj.), median, publikun si dhe çdo përdorues tjetër të Gjykatës.

Disa nga bashkëpunimet ndër-institucionale më të shpeshta të Gjykatës së Rrethit Gjyqësor Durrës gjatë vitit 2022 janë:

1. **Këshilli i Lartë Gjyqësor** (Gjykata, ka patur bashkëpunim të ngushtë me KLGJ si një organ qeverisës, si në zbatim të parashikimeve ligjore në fuqi por edhe për implementimin e risive të reja siç është Formulari i Aplikimit Elektronik apo inicimi për të jetësuar parashikimet në Planin e Komunikimit dhe Planit të Veprimit për vitin 2022-2024);

2. **Komisioni i Pavarur i Kualifikimit, KPA etj.**, (Gjykata gjatë viti 2022 ka trajtuar një numër të madh shkresash ardhur nga institucionet e vetë, si dhe ka treguar angazhim dhe saktësi maksimale, nisur nga rëndësia e veçantë e këtij procesi);
3. **Bashkia Durrës** (vazhdimisht Gjykata ka bashkëpunim me Bashkinë Durrës dhe vlerëson rolin saj proaktiv sidomos angazhimit të njësive respektive pranë Bashkisë që trajtojnë çështjet e dhunës në familje apo çështjet me të miturit në konflikt me ligjin) Së fundmi Gjykata i është përgjigjur pozitivisht dhe me gatishmëri kërkesës së Bashkisë për bashkëpunim Nr. 4967 Prot., datë 01.06.2022, për ngritjen e “*Këshilli Vendor për Siguri Publike*”, në të cilën Bashkia Durrës do të vijojë me procedurat e ngritjes së “*Këshillit Vendor për Siguri Publike*”, këshill në të cilin bën pjesë edhe Kryetari i Gjykatës së Rrethit Gjyqësor Durrës).
4. **Gjykatat e tjera apo Prokuroritë;**
5. **Institucionet e tjera publike** (Gjykata ka trajtuar çdo kërkesë nga institucionet publike sipas parashikimeve ligjore në fuqi dhe me prioritet)
6. **Dhoma e Avokatisë Durrës** (bashkëpunim në përcjelljen e Listës së Avokatëve Kryesisht, në mënyrë periodike si dhe korrektesë në sjelljen e përgjithshme të avokatëve);
7. **OJF/OJO dhe organizata të tjera të shoqërisë civile-** (Gjykata ka trajtuar me seriozitet çdo kërkesë për informacio/dokumentacion etj., të ardhur prej tyre);
8. **Qendra e Ndhmës Juridike Falas Durrës** (Me mbështetjen e UNDP, Gjykata e Rrethit Gjyqësor Durrës dhe Drejtoria e Ndhmës Juridike Falas kanë nënshkruar “*Marrëveshjen e Bashkëpunimit ndërmjet Drejtorisë së Ndhmës Juridike Falas dhe Gjykatës së Rrethit Gjyqësor Durrës*” që prej dhjetorit të vitit 2020 e në vijim, e cila konsiston në përdorimin e ambienteve të vendosura në dispozicion pa kundërshtim pranë Gjykatës për t’u përdorur si “*Qendër e Shërbimit të Ndhmës Juridike Parësore*”. Gjykata ka treguar bashkëpunim si në zbatim të marrëveshjes, në ofrimin e komoditetit të kushteve të punës QNJF si dhe në përcjelljen dhe trajtimin e shkresave voluminoze/statistikore nga qendra. Vlen të përmendim se problematikat e qytetarëve që kanë kërkuar ndihmë pranë kesaj qendre, kanë qenë nga më të ndryshmet, pjesa më e madhe në fushën civile, dhe në raste të pakta kanë qenë çështjet penale, kjo edhe për shkak të faktit se në çështjet penale është e parashikuar edhe mbrojtja e detyrueshme nga shteti për çështje të caktuara. Shumica e qytetarëve/subjekteve kanë të kategorisë si individ pa të ardhura, ndjekur më pas nga personat me aftësi të kufizuar dhe viktimat e dhunës në familje.
9. **Studentët e Drejtësisë** (Gjykata e Rrethit Gjyqësor Durrës ofron mbështetje, inkurajim dhe të gjitha kushtet e përshtatshme për ndjekjen e seancave gjyqësore veçanërisht nga studentët e drejtësisë);

10. **Media** (Gjykata gjata vitit 2022 ka bashkëpunuar ngushtësisht me Median e shkruar dhe vizive. Kjo reflektohet edhe nga numri i madh i kërkesave për informacion dhe dokumentacion nga Media. Kjo rritje e shumëfishuar për informacion vjen si pasojë e lehtësirave dhe diferencimit të mënyrave të aksesit të informacioneve/dokumentacioneve në Gjykatë po ashtu edhe për shkak të intensifikimit të fundit të ngjarjeve që përbëjnë interes publik);

11. **Komisioneri për të drejtën e informimit dhe mbrojtjen e të dhënave personale** (si në bashkëpunim për orientime të ndryshme po ashtu edhe në takime konsultative);

12. **Partnerët ndërkombëtare;**

13. **Shkolla e Magjistraturës** (ofrimi i ndihmës/informacioneve etj., kryesisht studentëve të shkollës);

14. **Përdoruesit e tjerë të Gjykatës etj.**

Disa Veprimtari të Rëndësishme të Gjykatës së Rrethit Gjyqësor Durrës gjatë vitit 2022 janë:

1. **FAE (Formulari i Aplikimit Elektronik)** (KLGJ në 17.01.2021 përcolli pranë Gjykatës për shumëfishim Kartë me Kod QR për Formularin e Aplikimit Elektronik si dhe detajet mbi përdorimin/implementimin e tij. Sikundër u shpreh edhe më lart duke qenë se Gjykata e Rrethit Gjyqësor Durrës ka qenë pararojë në ofrimin e këtij shërbimi, si dhe në kuadër të monitorimit të ofrimit të shërbimit on-line në portalin e Gjykatës, gjykata.gov.al, lidhur me Formularin Elektronik të Aplikimit, KLGJ-së i janë përcjellë të dhënat statistikore mbi këtë shërbim);

2. **Kodi i Anonimizimit** si risi dhe implementim i ri i kësaj rubrike në portalin e Gjykatës: (Në zbatim të parashikimeve ligjore në fuqi, për mbarëvajtjen e veprimtarisë administrative-gjyqësore, referuar mbrojtjes së të dhënave personale, për të patur akses në portalin e Gjykatës, përdoruesit e saj, me qëllim ndjekjen e zhvillimit të seancave gjyqësore, iu nevojitet pajisja me Kodin e Anonimizimit. Gjykata në 24.05.2022 i ka përcjellë të gjithë nëpunësve kompetentë Manualin për Kodin e Anonimizimit për njohje dhe zbatim. Është vënë re se ky implelementim ka funksionuar si dhe shërben si mbrojtës për të dhënat e përdoruesve të gjykatës. Kodi i Çështjes së bashku me Kodin e Anonimizimit (kod unik për secilën çështje që gjenerohet automatikisht nga sistemi ICMIS), për çështje gjyqësore në shqyrtim, ky Kod jepet nga sekretarja gjyqësore palëve ndërgjyqëse, përfaqësuesve ligjore, përfaqësuesve me prokurë apo subjekteve të tjerë që legjitimohen për të marrë Kodin e Anonimizimit sipas legjislacionit në fuqi. Për çështjet e përfunduara (me status mbyllur) kodet respektive të çështjeve gjyqësore jepet palëve ndërgjyqëse apo përfaqësuesve nga Zyra e Kryesekretarisë apo nëpërmjet postës elektronike në çdo rast me kërkesë paraprake të tyre.)

3. **Bashkia Durrës-Gjykata e Rrethit Gjyqësor Durrës** (bashkëpunim i vazhdueshëm si për çështjet e dhunës në familje (kryesisht kjo fushë është përfaqësuar nga Kancelarja e Gjykatës. Ky bashkëpunim ndërmjet dy institucioneve ka pasur qëllim realizimin dhe mbikqyrjen e masave alternative të shmagies nga ndjekja penale nga dënimi për të miturit në konflikt me ligjin. Qëllimi i këtij bashkëpunimi për këtë kategori të miturve, ka qenë me qëllimin e trajtimit të tyre në qendra sociale që bashkia administron. po ashtu edhe angazhimit për pjesëmarrje të ZV/Kryetarit për ngritjen e “*Këshilli Vendor për Siguri Publike*”, në Bashkinë Durrës);
4. **Trajnimet/Takimet konsultative/ndërvepruese në fushën e të drejtës së informimit dhe mbrojtjes së të dhënave personale** (këto trajnime janë ndjekur kryesisht nga Specialistja e Marrëdhënieve me Publikun dhe Median si nëpunës kompetent i fushës).
 - a) Gjykata e Rrethit Gjyqësor Durrës ka marrë pjesë në Takimin Konsultativ me Kontrollues të Sektorit Publik për Projektligji “Për Mbrojtjen e të Dhënave Personale”, më datë 12.07.2022, me organizues Ministrinë e Drejtësisë dhe Komisionerit për të drejtën e informimit dhe mbrojtjen e të dhënave personale;
 - b) Gjykata e Rrethit Gjyqësor Durrës ka marrë pjesë në Seminarin/takimin Konsultativ në kuadër të “Ditës së Transparencës” me organizues dhe Komisionerin për të drejtën e informimit dhe mbrojtjen e të dhënave personale dhe Bashkinë Durrës.
5. **Në zbatim të Planit të Komunikimit për Gjykatat për 2022-2024 dhe Planin i Veprimit 2022-2024**, Gjykata e Rrethit Gjyqësor Durrës ka miratuar këto të fundit si ka vijuar me krijimin e kushteve për implementimin e risive që sjellin këto dy akte, duke ndërmarrë hapa konkretë për të jetësuar Planin e Veprimit në Gjykatë.
6. **Komunikim me Median dhe Publikun-** Gjykata gjatë vitit 2022 ka pasur komunikim të vazhdueshëm me median, ka intensifikuar marrëdhëniet mes tyre dhe duke u kujdesuar që informacioni i kërkuar prej tyre të jetë sa më i shpejtë në kohë.

Si një ndër institucionet kryesore me të cilat gjendet në marrëdhënie të vazhdueshme pune, marrëdhëniet me Prokurorinë pranë kësaj gjykate kanë qenë në fokus të vazhdueshëm në funksion të përmirësimit të proceseve të punës dhe zgjidhjes së problematikave të hasura.

Veçanërisht rëndësi i është kushtuar dorëzimit të vendimeve brenda afatit ligjor, komunikimit të tyre palëve dhe dërgimit të dosjeve në gjykatën e apelit, problematikë kjo e mëparshme, e ngritur si shqetësim nga ana e Prokurorisë. Gjithashtu pas rishikimit të së kompetencave të nëpunësve për trajtimin e shkresave nga Zv/Kryetari, është përmirësuar ndjeshëm raporti në kohë i kthim-përgjigjeve të shkresave të ardhura nga Prokuroria të cilat vitin e fundit kanë pësuar rritje të ndjeshme të numrit të tyre.

Po kështu, është arritur zgjidhja e problematikave të ndërsjella nëpërmjet bashkëpunimit dhe përcjelljes së shqetësimeve ndër dy institucionet, çka ka çuar në përmirësim të vazhdueshëm të procesit të punës. Rëndësi e veçantë i është kushtuar vendosjes së praktikave në lidhje me zbatimin sa më korrekt dhe efektiv të ndryshimeve procedurale.

Sjellja e prokurorëve reflektohet përgjithësisht korrekte, duke u evidentuar raste jo të shpeshta të mospjesëmarrjes në gjykim pa njoftuar paraprakisht gjykatën, apo paraqitjes me vonesë në fillimin e seancës gjyqësore. Megjithatë, vlen të theksohet se përgjithësisht problematikat e ngritura respektivisht nga të dy institucionet kanë gjetur përgjigje.

Sa i takon marrëdhëniet me Dhomën e Avokatisë Durrës, përgjithësisht nga ana e avokatëve është reflektuar sjellje korrekte për sa i përket solemnitetit dhe orarit të gjykimeve. Në raste të veçanta gjyqtarët kanë njoftuar Dhomën e Avokatisë për marrjen e masave ndaj avokatëve konkretë. Sërish mbetet në fokus shlyerja e pagimit të gjobave nga ana e avokatëve, në rastet e caktuara nga gjykata.

Nga ana tjetër, në kuptim të Nenit 49/3 të Kodit të Proçedurës Penale, Dhoma e Avokatisë Durrës ka paraqitur rregullisht *"Listën e avokatëve të gatshëm për t'u caktuar kryesisht"*, e cila përgjithësisht respektohet nga gjyqtarët në varësi të ngutshmërisë së çështjes dhe gatishmërisë së avokatëve të listuar. Theksojmë korrektesën që ka treguar Dhoma e Avokatisë Durrës në përcjelljen e Listës së Avokatëve Kryesisht, në mënyrë periodike. Kjo listë gjithashtu është e aksesueshme edhe në faqen zyrtare të Gjykatës.

Mbetet ende për t'u zgjidhur kërkesa e vazhdueshme e Dhomës së Avokatisë Durrës për sigurimin e një ambienti të veçantë për avokatët, i cili pavarësisht vullnetit tonë pozitiv nuk është bërë ende i mundur të sigurohet për shkak të pamjaftueshmërisë së ambienteve të godinës.

Lidhur me marrëdhëniet me publikun, Gjykata e Rrethit Gjyqësor Durrës në mënyrë të veçantë i ka kushtuar rëndësi transparencës e cila ndihmon në përmbushjen e besueshmërisë për drejtësi, nëpërmjet bërjes publike dhe afishimit elektronikisht në hapësirën e pritjes së palëve ndërgjyqëse ku shpallen listat e gjykimeve, lista e çështjeve të hedhura në short, urdhrave të ndryshme të Këshillit të Gjykatës.

Mjaft efektive për Gjykatën e Rrethit Gjyqësor Durrës, ka rezultuar komunikimi me publikun nëpërmjet faqes elektronike zyrtare gjykata.gov.al, duke publikuar në faqen e saj elektronike zyrtare të gjithë informacionin dhe dokumentacionin e disponuar prej saj, të parashikuar nga ligji si të detyrueshëm për publikim.

Dokumentacioni i bërë publik, është i përditësuar në formë e përmbytje. Faqja zyrtare e Gjykatës së Rrethit Gjyqësor Durrës është ndërtuar në atë formë që mundëson informacion për publikun pa kërkesë në format lehtësisht të kuptueshëm.

Gjithashtu, i është kushtuar rëndësi aksesit të të interesuarve në dokumentacionin dhe aktet e gjendura në Gjykate.

Këshilli i Gjykatës vijon të mbajë orarin e shërbimit në sportel nga ora 08:00 – 16:00 për veprime të ndryshme me qytetarët dhe avokatët, duke vendosur njoftime me sqarime të nevojshme lidhur me çështje të caktuara, si dhe duke rritur në mënyrë të vazhdueshme efikasitetin dhe etikën e personelit të gjykatës në komunikimin me qytetarët. Në mënyrë të veçantë përmendet këtu

urdhërimi për kryesekretarinë dhe arkivën për të garantuar çdo informacion apo shërbim maksimalisht brenda 24 orëve.

Gjithashtu, për shkak të masave anti- Covid-19, ngarkesës të madhe në punë e cila e bën objektivist të pamundur hapësirën kohore, për vitin 2022 gjykata nuk ka zhvilluar takime sensibilizuese me grupe të ndryshme si nxënës shkollash, studentë, qytetarë, etj., praktikë e cila është ndjekur çdo vit në kuadër të aktiviteteve në ditë të caktuara, si dhe në kuadër të afrimit sa më shumë të qytetarëve me gjykatën dhe sistemin e drejtësisë. Për vitin 2023 kjo praktikë e ndjekur do të vazhdojë nga ana e Gjykatës. Por pavarësisht mos zhvillimit të këtyre aktiviteteve, Gjykata e Rrethit Gjyqësor Durrës ka dhënë një ndihmesë dhe mundësi për të diplomuarit në drejtësi për një praktikë profesionale të tyre pranë kësaj gjykate.

Në përfundim, duke vlerësuar se të dhënat e analizuara dhe problematikat e ngritura në këtë analizë pune për vitin 2022 do t'i shërbejnë si trupës gjyqësore, ashtu edhe institucioneve të tjera përkatëse që lidhen me sistemin gjyqësor, dëshiroj të shpreh në emrin tim dhe të trupës gjyqësore të Gjykatës së Rrethit Gjyqësor Durrës angazhimin tonë maksimal për rritjen në vijimësi të performancës së kësaj Gjykate.

ZËVËNDËSKRYETAR

PAULIN ÇERA

NUMRI I ÇËSHTJEVE TË MBARTURA NGA VITI 2021 PËR SECILIN GJYQTAR (Tabela A)

Nr. Rendor	Emri i Gjyqtarit	Nr. i çështjeve të mbartura nga Viti 2021
1	Paulin Çera	287
2	Rexhep Bekteshi	291
3	Flora Hasimi	398
4	Shpëtime Pitaku	283
5	Shpëtim Reka	279
6	Vladimir Skënderi	350
7	Petraq Çurri	166
8	Besjana Garxenaj	251
9	Nurjeta Pogaçe (Tafa)	0
10	Markelian Koça	59
11	Anjeza Buzo	0
12	Olti Skrame	0
13	Artur Prenga	0
	TOTALI	2364

NUMRI I ÇËSHJTJEVE TË MBARTURA NGA VITI 2022 PËR SECILIN GJYQTAR (TABELA B)

Nr. Rendor	Emri i Gjyqtarit	Nr. i çështjeve të mbartura nga Viti 2022
1	Paulin Çera	177
2	Rexhep Bekteshi	525
3	Flora Hasimi	0
4	Shpëtime Pitaku	469
5	Shpëtim Reka	0
6	Vladimir Skënderi	734
7	Petraq Çurri	439
8	Besjana Garxenaj	595
9	Nurjeta Pogaçe (Tafa)	346
10	Markelian Koça	7
11	Anjeza Buzo	1
12	Olti Skrame	0
13	Artur Prenga	2
	TOTALI	3295

Emër/Mbiemër	Çështje të gjykuara	Penale			Civile			Delegime			Kërkesa Penale	Kërkesa Civile
		I vetëm dhe kryesues	Trup Gjykses	I vetëm dhe kryesues	I vetëm dhe kryesues	Trup Gjykses	Trup Gjykses	Penale	Civile			
1	2	3	4	5	6	7	8	9	10			
Paulin Çera	626	110	1	190	1	0	0	287	37			
Petra Çuri	1164	148	0	297	3	0	0	427	289			
Vladimir Skënderi	975	94	1	239	0	0	0	315	326			
Rexhep Bekteshi	1137	151	3	279	0	0	0	443	261			
Besjana Garxenaj	945	105	1	266	1	0	0	332	240			
Shpëtime Pitaku	1153	116	0	393	2	0	0	382	261			
Nurjeta Pogaçe (Tafa)	239	27	0	39	1	0	0	87	85			
Markelian Koça	266	36	0	75	0	0	0	89	65			
Flora Hasimi	568	57	1	182	0	0	0	169	159			
Shpëtim Reka	91	13	0	24		0	0	31	23			
Artur Prenga	1	1	0	0	0	1	0	0	0			
Olti Skrame	1	0	0	1	0	0	1	0	0			
TOTAL	7166	858	7	1985	8	1	1	2562	1746			

KËRKESA TË SEANCAVE PARAPRAKE VITI 2022 (Tabela Nr.3/a)

Gjykatat e Rretheve Gjyqësore	Ç Ë S H T J E T			MËNYRA E PËRFUNDIMIT							
	Çështje të mbartura	Të ardhura të reja	Gjithsej	Pranuar	Pushuar	Kaluar për gjykim	Kthim për plotësim hetimesh (penale)	Vendosur Moskompetenca	Të tjera	Përfunduar	Pa Përfunduar
1	2	3	4	5	6	7	8	9	10	11	12
Gjykata e Rrethit Gjyqësor Durrës	547	1399	1946	780	338		9			1127	819

ÇËSHËTJE PENALE ME TË MITUR 2022 (Tabela Nr.3/b)

Çështje penale me të pandehur të mitur Viti 2022		
Të Regjistruara	Të Përfunduara	
11 çështje	11 çështje	

MASA	MASA E DËNIMIT PËR TË MITURIT												
	Më globale	Deri në 2 vjet	2 (dy) - 5 (pesë) vjet	Aplikimi Nenit 59	Kufizimi i lirisë (Aplikimi i nenit 98)	Ndalimi për kryerjen e një veprimtarie	Aplikimi i nenit 59/a	Aplikimi i nenit 63	Permbushja e detyrimeve të caktuara	Mjekim i detyruar (neni 46)	5(pesë)- 10 (dhjetë) vjet	10 (dhjetë) - 25 vjet	Gjithsej
TOTALI	0	1	3	8	0	0	3	0	0	0	0	0	15

KËRKESA PËR HEQJE DORË VITI 2022 (Tabela Nr.3/c)

Nr. Rendor	Emri i Gjyqtarit	Nr. i kërkesave për heqje dorë		
		Miratuar	Refuzuar	Totali
1	Paulin Çera	-	-	
2	Nurjeta Pogaçe (Tafa)	5	3	8
3	Petraq Çurri	17	3	20
4	Rexhep Bektashi	21	12	33
5	Shpëtime Pitaku	36	7	43
6	Besjana Garxenaj	31	1	32
7	Vladimir Skënderi	22	4	26
8	Markelian Koça	11	5	16
9	Flora Hasimi	26	1	27
10	Shpetim Reka	11	0	11
	TOTALI:	180	36	216

[illegible]

89	4	0	0	0	0	0	5	0	0	0	0	0	0	0	0	9
125	0	3	0	0	0	0	2	0	0	0	0	0	0	0	0	5
130/a1	0	21	0	0	0	0	15	0	1	0	0	0	0	0	0	37
197	3	3	0	0	0	0	5	0	1	0	0	0	0	0	0	12
199/a1	0	1	0	0	0	0	21	0	6	0	0	0	0	0	0	28
242	6	2	0	0	0	0	2	0	1	0	0	0	0	0	0	11
297	3	5	0	0	0	0	0	0	0	0	0	0	0	0	0	8
321	0	3	0	0	0	0	9	0	0	0	0	0	0	0	0	12
Shuma Kv	16	38	0	0	0	0	59	0	9	0	0	0	0	0	0	122
TOTALI	58	232	57	1	363	0	52	0	3	7	0	0	0	0	0	773

TABELA E LLOJEVE DHE MASAVE TË DËNIMEVE (Tabela Nr.5)

LLOJI I VENDIMIT TË DËNIMIT	NUMRI RASTEVE
Dënime me burg	
Dënime deri në 2 vite burgim	287
2-5 vite burgim	71
5-10 vite burgim	13
10-25 vite burgim	4
Burgim I përjetshëm	0
Dënime Alternative	
Burgim me kusht (Neni 59 i K.Penal)	455
Punë me interes publik (Neni 63 i K.Penal)	79
Vendime të tjera	
Dënim me gjobë	94
Pafajësi	11
Pushuar	37

Shënim: Në këtë tabelë përfshihen vetëm llojet e dënimit për çështjet penale themeli

TABELA E SHPEJTËSISË, BAZUAR NË KOHËZGJATJEN E GJYKIMIT (Tabela Nr.6)

Çështje Penale	SHPEJTËSIA E GJYKIMIT			
	Afati i përfundimit			
	0-6 Muaj	6 Muaj - 1 Vit	1-2 Vite	Mbi 2 Vite
TOTALI	3311	79	21	15

Çështje Civile	SHPEJTËSA E GJYKIMIT			
	Afati i përfundimit			
	0-6 Muaj	6 Muaj - 1 Vit	1-2 Vite	Mbi 2 Vite
TOTALI	2756	764	180	40

ADMINISTRIMI I ÇËSHTJEVE													
	Lloji i çështjes	Në pritje të gjyqimit në fillim të periudhës	Çështje të reja të paraqitura në gjykatë	2	3	Çështje të gjykuara						Në pritje të gjyqimit në fund të periudhës	Çështje të regjistruara gjithsej
						Çështje të gjykuara gjithsej		Me vendim në themel		Me lloje të tjera disponimi			
						Nr.	%	Nr.	%	Nr.	%		
1												8	9
A.	Çështje civile me palë kundërshtare (A.1+A.2+A.3+A.4)	1468	2106	1994	1513	76	481	24	1580	3574			
A.1	Civile të përgjithshme civile me palë kundërshtare	906	1360	1264	1002	79	262	21	1002	2266			
A.2.	Familjare me palë kundërshtare	512	639	624	431	69	193	31	527	1151			
A.2.1	Zgjidhje martese	470	646	530	399	75	131	25	586	1116			
A.3	Tregtare me palë kundërshtare	8	1	0	0	0	0	0	9	9			
A.4	Marrëdhënie pune	42	106	106	80	75	26	25	42	148			
B.	Çështje civile pa palë kundërshtare (B.1+B.2+B.3)	222	2123	1746	1409	81	337	19	599	2345			
B.1	Të përgjithshme civile pa palë kundërshtare	182	1966	1645	1331	81	314	19	503	2148			
B.2	Familjare pa palë kundërshtare	39	157	101	78	77	23	23	95	196			
B.3	Tregtare pa palë kundërshtare	1	0	0	0	0	0	0	1	1			
B.3.1	Faliment	1	0	0	0	0	0	0	0	0			
C.	ÇËSHTJE CIVILE GJITHSEJ (A+B)	1690	4229	3740	2922	78	818	22	2179	5919			

TABELA E NGARKESËS PËR GJYKATËN NË TËRËSI (ÇËSHTJE PENALE)

ADMINISTRIMI I ÇËSHTJEVE										
Lloji i çështjes	Në pritje të gjykimit në fillim të periudhës	Çështje të reja të paraqitura në gjykatë	Çështje të gjykuara				Në pritje të gjykimit në fund të periudhës	Çështje të regjistruara gjithsej		
			Çështje të gjykuara gjithsej	Me vendim në themel		Me lloje të tjera disponimi				
				Nr.	%	Nr.			%	
	1	2	3	4	5	6	7	8	9	
A. Krime	189	739	708	699	99	9	1	220	928	
A.1 Vrasje me dashje (Neni 76,77,78,78/a,79, 79/a,79/b,79/c,81,82,83)	5	4	5	5	100	0	0	4	9	
A.2 Vjedhje (neni 139, 140, 141)	2	4	4	4	100	0	0	2	6	
A.3 Dhuna në familje	19	83	77	76	99	1	1	25	102	
A.4 Krime të kryera nga ose ndaj të miturve	2	38	25	22	88	3	12	15	40	
B. Kundërvajtje penale	68	178	157	138	88	19	12	89	246	
B.1 Kundërvajtje penale të kryera nga ose ndaj të miturve		19	10	7	70	3	30	9	19	
C. Çështje penale administrative	417	2951	2561	2261	88	300	12	807	3368	
C.1 Masa sigurimi	3	793	795	795	100	0	0	1	796	
C.2 Lirim me kusht	4	18	18	11	61	7	39	4	22	
C.3 Ekstradime	1	6	6	6	100	0	0	1	7	
D. Çështje të ligjit Antimafia	0	0	0	0	0	0	0	0	0	
E. ÇËSHTJE PENALE GJITHSEJ (A+B+C+D)	674	3868	3426	3098	90	328	10	1116	4542	

TABELA PËR ÇËSHTJET E GJYKATËS NË TËRËSI (CIVILE DHE PENALE)

Lloji i çështjes		ADMINISTRIMI I ÇËSHTJEVE				
		Në pritje të gjykimit në fillim të periudhës	Çështje të reja të paraqitura në gjykatë	Të gjykuara	Në pritje të gjykimit në fund të periudhës	Të regjistruara gjithsej
		1	2	3	4	5
A.	Çështje civile	1690	4229	3740	2179	5919
B.	Çështje penale	674	3868	3426	1116	4542
C.	GJITHSEJ (A+B)	2364	8097	7166	3295	10461